

СОТИБОЛДИЕВА С.Р

# ХХ АСР ФОРС РОМАНЧИЛИГИ



ЎЗБЕКИСТОН РЕСПУБЛИКАСИ ОЛИЙ ВА ЎРТА МАХСУС  
ТАЪЛИМ ВАЗИРЛИГИ

ТОШКЕНТ ДАВЛАТ ШАРҚШУНОСЛИК ИНСТИТУТИ

**СОТИБОЛДИЕВА САРВИНОЗ РУЗИЕВНА**

**XX АСР ФОРС  
РОМАНЧИЛИГИ**

**УЎК12:821.222.1**

КБК:84(5 Ў) 6

С 31

Мазкур монография Тошкент давлат шарқшунослик институти Илмий Кенгаши томонидан кўриб чиқилган ва нашрга тавсия этилган (30.04.2015 йилдаги 9-сонли баённома)

**Такризчилар:**

*M. И момназаров* – Ф.ф.д., профессор;  
*C. Садиев* – Ф.ф.д., профессор;  
*Ж. Хамроев* – Ф.ф.д., профессор.

**Масъул муҳаррир:**

*A.Куронбеков* – Ф.ф.д.профессор

Мазкур монографик тадқиқотда замонавий форс романчилигининг манбаалари, такомил босқичлари, бугунги кундаги ҳолати ҳакида илмий-назарий изланишлар акс этган. Шунингдек, бадиий адабиёт ривожидаги турли босқичларнинг ўзига хос хусусиятлари ва адабий жараёнларни ёритиш асосида бугунги кунда Эрон адабиётининг пешқадам жанри бўлган романчилик тарихи ва ёзувчилар ижоди адабий-бадиий таҳлил этилган.

Монография эрон филологияси билан шуғулланувчи мутахассисларга ва форс насрига қизиқувчичарга ўкувчиларга мўлжалланган.

*Уибу монография Тошкент давлат шарқшунослик институти давлат илмий-техник дастурлари доирасида амалга оширилаётган Ф-1-139 “Шарқ ҳалқлари адабиёти тарихи ва жанрлар типологияси” номли илмий тадқиқот лойиҳаси асосида нашрга тайёрланди.*

ISBN 978-9943-978-15-7

© Сотиболдиева Сарвиноз Рузиевна  
© “Voris-nashriyot” МЧЖ, 2015 й  
© ТДШИ 2015 й

## МУҚАДДИМА

Президентимиз сўз санъати бўлган адабиётнинг аҳамияти хақида “Барчамизга аёнки, XXI аср интеллигентал салоҳияти, тафаккур ва маънавият асри сифатида инсоният олдида янги-янги уфқлар очиш билан бирга, биз илгари кўрмаган, дуч келмаган кескин муаммоларни ҳам келтириб чиқармокда. Бугунги мураккаб ва таҳликали заминда ёзувчининг башариятнинг эрганиги кунини ўйлаб, одамларни эзгуликка, меҳр-оқибат ва бағрикенгликка даъват этишга қаратилган ҳароратли сўзи ҳар қачонгидан ҳам муҳим аҳамият касб этмоқда”<sup>1</sup> деб таъкидлаган эдилар. Техника ва ахборот технологиялари тараккиёти мислсиз ривожланиш чўққисига чиққан глобаллашув даврида XXI асрда “ҳароратли сўзга” бўлган эҳтиёжни қондира оладиган бадиий асар яратиш зарурати, бизнингча, ҳар бир миллат адабиёти олдида турган дол зарб вазифалардан бири бўлса керак.

Кўпгина шарқ халкларида асрлар мобайнида мавзу ва шакл жиҳатдан катъий қонуниятлар асосида яшаб келган адабиёт сўнгги икки асрда жуда катта ўзгаришларни бошидан кечирди. Агар XIX асрнинг бошларигача бўлган даврда шарқ халклари адабиётида ўзаро таъсир асосан маънавий қадриятларида, адабий анъаналарида бир мунча яқинлик мавжуд бўлган араб, форс, хинд, турк каби халқлар кесимида содир бўлган бўлса, XIX асрнинг биринчи ярмидан бошлаб турли ижтимоий-сиёсий омиллар туфайли Ғарб ва Европа халклари адабиёти, яшаш тарзи, эстетик қарашлари кириб кела бошлади ва бу жараён XX асрни бутунлай қамраб олди ҳамда то бугунги кунга қадар давом этмоқда.

Ўзбек адабиётшунослиги бу жараёнларни тадқиқ этишда маълум бир ютукларга эришиб десак муболага бўлмайди. О.Шарафиддинов, У.Норматов, Б.Қосимов, Ҳ.Болтабоев, С.Содик, А.Расулов Қ.Йўлдошев, Б.Каримов, У.Ҳамдам, Д.Куронов сингари олимлар томонидан чоп этилган катор тадқиқотларда, шунингдек, “Мустақиллик даври адабиёти”, “Озод Ватан саодати” каби бир катор тўпламларда, мустақилликкача ва ундан кейинги давр адабий жараёнлари, ёзувчининг ижодий методи, адабий тур ва жанрлар масаласида олиб борган изланишлари акс этди. Бу эса ўз навбатида тадқиқотчилар учун катта енгилликлар түғдирмокда.

<sup>1</sup> Каримов И.А. Адабиётта эътибор – маънавиятта, келажак артибор. – Т. 2004. 206-6.

XX аср охири XXI асрнинг дастлабки йиллари мамлакатимиздаги адабий ҳаётга хос бўлган жиҳатлардан бири бу таржима адабиётига бўлган эътиборнинг ортганилигидир. Энди ўзбек китобхони форс, хитой, япон, корейс, араб, ҳинд, турк каби шарқ ҳалклари адабиётини ўтган асрдаги сингари аксарият ҳолларда рус тилидан килинган таржима орқали эмас, балки аслиятдан килинган таржималарда ўқиш имкониятига эга бўлди. Бу эса ўз навбатида ўзбек шарқшунослари олдига бу адабиётларни факат таржима қилибгина чекланиб қолмасдан, балки уларнинг чукур бадиий таҳлилини амалга ошириш, уларнинг бадиий-эстетик қимматини аниқлаш каби вазифаларни ҳам қўяди. Шу жиҳатдан олиб қаралганда, тадқикотимиз обьекти бўлган форс романчилиги ҳам энг қадимий тамаддун ўчоқларидан бири бўлган Эроннинг бугунги кундаги адабий ҳаёти сифатида ўрганилишга молик жиҳатлардан биридир. Шарқ ҳалкларида бўлгани сингари Эронда ҳам роман жанри (агар Европа типидаги роман нуқтаи назаридан қаралса, шунингдек “роман” термини XX асрнинг бошларига келибгина кенг истеъмолга кирганини хисобга олсан – С.С.) нисбатан янги ходиса хисобланади. Жаҳон илм-фанида, жаҳон маданияти тарихида форсий шеъриятнинг Рудакий, Фирдавсий, Асадий Тусий, Масъуд Саъд Салмон, Афзалиддин Хоқоний, Низомий Ганжавий, Носир Ҳусрав, Санойй, Румий, Ҳофиз Шерозий, Абдураҳмон Жомий каби мумтоз вакиллари ижоди жаҳон поэзиясининг чўққиларини ташкил этиши эътироф қилинган. Ўрганилиши нуқтаи назаридан ҳам форс шеъриятига бағищланган тадқикотлар салмоғи насрга нисбатан анча катта. Бироқ XX асрнинг ўрталарига келиб бу манзара ўзгарди. Эронлик адиллар нафақат мумтоз шеъриятда, балки насрда, аникроғи янги тиқдаги насрда ҳам бадиий баркамол асарлар яратса олиш қобилияtlарини намоён эта билдишлар. М.Жамолзода, М.Козимий, А.Халилий, С.Чубак, С.Хидоят, С.Донешвар, С.Нафисий, А.Махмуд, М.Давлатободий, Ҳ.Гулширий, И.Фасих, Ш.Порситур, А.Матъруфий, М.Сотропий сингари адилларнинг асарлари дунёнинг бир қанча тилларига таржима қилинди ва қилинмоқда.

Таъкидлаш жоизки, XX аср Эрон халқи ҳаёти катта ўзгаришлар, тарихий воқеалар асри бўлди. 1905-1911 йиллардаги Машрута инқилоби, 1978-1979 йилги Ислом инқилоби ва саккиз йил давом этган Эрон-Ироқ (1979-1989) уруши мамлакат ҳаётининг ҳамма соҳасини, шу жумладан, илм-фан, маданият, адабиётга жиддий

таъсир ўтказди. XX аср бошлариданоқ форс адабиёти асрлар давомида қатъий қонунлар асосида ривожланиб келган адабий меъёрлар қобигини ёриб чиқиб, воқеликни ҳаққоний акс эттириш тамойилларига ўтди. Ўтган асрнинг биринчи ўн йиллигига Мұхаммад Али Жамолзода, Содик Ҳедоят, Бўзўрг Алавий, Мушфик Козимий, Санъатизода Кермоний, Мухаммад Ҳижозий ва бошка истеъдодли адиблар новелла, янги тиңдаги хикоя сингари жанрларда асарлар яратдилар; ижтимоий, тарихий роман намуналари дунёга келди. Улар бошлаб берган адабий янгилашишни кейинги авлод вакиллари Содик Чубак, Аҳмад Маҳмуд, Маҳмуд Давлатободий, Симин Донешвар, Баҳром Содикий, Жамол Мирсадикӣ кабилар муносиб давом эттиридилар. XX аср сўнгти чорагида наср ривожида мазмун ва шакл ўзгаришлари, гоявий йўналишларнинг янги мазмун асосида шаклланиши, янги руҳдаги ва янги бадиий инъикосдаги асарларнинг вужудга келиши кузатилади. Ана шу жараёнларнинг ортида нафақат бадиий истеъдод намояндаси сифатида шоир ва ёзувчи шахси, балки унинг тафаккурида кечайтган ва моҳиятнан янгиликка йўлдош бўлган қайта куриш ҳолатлари, истеъдодни ўраб турган адабий мухитнинг пишиб етилганлиги ва ижтимоий зарурияти ҳам муҳим аҳамият касб этади. Бирор бир бадиий янгиликнинг вужудга келиши турли талабларнинг уйғунлигини тақозо этиб қолади. Ана шу талабларнинг уйғунлиги ва бир вактда юзага келиши такрорланмас истеъдоднинг ёки тамомила янги руҳдаги адабий оқимнинг рӯёбга чикиши учун асос бўлиб хизмат қиласи. Бу пайтга келиб саккиз йиллик уруш оқибати, мухожирликнинг ортиши ва шу каби омиллар туфайли модернизм, экзистенциализм сингари нореалистик ва психологияк йўналишдаги асарлар яратиш тамойили кучайди. Шу билан бирга Ҳушанг Гулширий, Исмоил Фасих, Аббос Маъруфий, Шаҳрнуш Порсипур, Маржоне Сотропе сингари ёзувчилар ижодида инсон руҳиятини тадқик этиш, ижтимоий-сиёсий воқеликни теран англаш ва ифодалаш, уни инсоннинг қалб кечинмалари тарзида тасвирлаш, бу жараёнда мавжуд миллий ўзликни англаш ва кўп асрлик анъаналярдан фойдаланиш, шу билан бирга умумбашарий мезонлар ва бадиий тафаккур ўзгаришлари билан узвий алоқадорликни намоён этиш, эрк, ватан, хотин-қизлар, инсоннинг жамиятдаги ўрни ва вазифалари, хаётдан мақсад, инсон ва маънавият каби муаммоларнинг янгилаша талқинини беришга интилиш кузатилади.

Эрон адабиётида ўтган асрда вужудга келиб, бугунги кунда бадий адабиётнинг узвий таркибий қисми, унинг пешқадам жанрига айланган роман ҳам халқ маънавиятининг мазмунига, униаг курратли кучига айланди. Роман то ҳанузгача шаклланишида давом этаётган жанр эканлиги янгилик эмас. Шу нуктаи назардан, Эрон адабиётига хос бадий вокеликлардан бири бўлган романнинг миллий ва умумбашарий манбалари, унинг мазмун ва ғоявий кирралари, ривожланиш боқичлари, ижодкорлар шахси, ижодий методи каби масалаларни илмий тадқиқ қилиш бадий адабиёт ривожининг хусусиятларини аниклаш ва баҳолашга тенг келади. Эронда роман жанрининг вужудга келиши тасодиф эмас, балки ижтимоий зарурият эди. Унинг келиб чикишида ижтимоий, сиёсий, мафкуравий ўзгаришлар ва жамият ҳётига доир туб инклибий қайта куриш жараёнлари мухим ўрин тутган. Жамият ҳётидаги кескин бурилиш жараёнлари, инсоннинг ўз ўрни ва мавқеини кайта англаш эҳтиёжи, жамият ва инсон муносабатларида янги қонуниятларнинг келиб чикиши, иктисадий ривожланиш омиллари янгича фикрлаш, янгича баҳолаш, янгича қарашлар учун асос бўлиб хизмат килди. Янгича бадий тафаккурни юзага келтирди. Ана шу янгича тафаккур кирраларидан бири роман жанри орқали ўзини намоён этди.

Роман жанри, аввало Эроннинг ўзида, сўнг хорижий элларда янги бир адабий меъёр, бадий тафаккур инъикоси ва бадийлик хусусияти сифатида тан олиниши биланоқ, бу борада жуда кўплаб мақола, асар ва монографик тадқиқотлар нашр қилинди. Бунинг ўзига хос томони шундаки, дунё бўйича барча зоншунослар мазкур мавзуни безътибор қолдиришмаган ҳамда форс романи борасида дунё олимлари томонидан фикрлар билдирилган. Форс романи борасидаги тадқиқотлар куйидаги йўналишларда олиб борилган:

1. Эронда янги типдаги роман жанрининг пайдо бўлиши, ударнинг мазмун ва шаклига кўра таснифланиши масалалари, “роман” тушунчасига таъриф бериш ва дастлабки романларнинг сюжети билан таништириш характеристидаги тадқиқотлар.
2. Алоҳида ёзувчиларнинг ижоди ва ижодий методига бағишланган тадқиқотлар.
3. Форс романини бошқа миллат романлари билан қиёсий ўрганилган тадқиқотлар.
4. Роман назариясига бағишланган тадқиқотлар.

Форс адабиётида янги шаклдаги романлар ёзила бошланган (XX асрнинг 20 йиллари) даврга нисбатан унинг назарий ўрганилиши бир мунча кейинроқ, яъни XX асрнинг 40-60 йилларига тўғри шаклланди.

Эроннинг ўзида илк бор замонавий наср, хусусан, форс романни ҳақидаги дастлабки маълумотни 1947 йилда Эрон ёзувчилари нинг I-съездидаги таникли филолог олим Парвиз Нотел Хонларий берган. Хонларий “Янги давр форс насли”<sup>2</sup> номли маърузасида XIX асрнинг охирги чорагидан XX асрнинг кирқинчи йилларигача бўлган оралиғдаги даврда эрон насли тараққиёти ҳақида тўхталиб ўтади. Шунингдек, бу маърузасида янги типдаги “сафарнома”, газета, журнал, таржима адабиёти, янги шаклдаги роман, ҳикоя, драматургиянинг ривожланиши ва уларнинг наслий тилнинг шаклланишидаги аҳамиятига урғу беради. Маъруза ҳажман катта материални камраб олган ва кўпроқ маълумот бериш характеристида бўлса-да, унинг “Романнавислик” кисмida илк бор форсий романларни мазмун мундарижасига кўра таснифланиши эътиборга лойикдир<sup>3</sup>. Шундан сўнг эронлик тадқиқотчилар орасида форс романларига қизикиш кучаяди ва унга бағишлиланган кўплаб тадқиқотлар яратилиши бошланади.

Доктор Мухаммад Этэйломий ўзининг “Бугунги адабиёт хусусиятлари” (Техрон, 1349/ мил. 1970) номли тадқиқотида ҳам асосий эътиборни форсий романлар таснифига қаратади. Олим романларни қуйидаги турларга бўлишни таклиф килади: тарихий, дәжонлар, илмий, танқидий, нома, саргузашт типидаги романлар. Олим романларни таснифлашда маълум бир ягона принципга асосан ёндашмагани, уларнинг мавзуси билан шаклини аралаштириб юборгани кузатилади.

Таъкидлаш жоизки, Эронда янги шаклдаги форс романига бағишлиланган дастлабки ишларда, асосан, роман терминига таъриф бериш, романнинг мазмун ва шаклига кўра таснифлаш, хар бир турга мансуб романларнинг намуналарини санаб ўтиш тенденцияси хукмон бўлиб, ёзувчининг роман ёзиш техникаси, форс миллий романнинг жаир хусусиятларига бағишлиланган назарий ишлар кам.

Эронда чоп этилган илмий-назарий асарларнинг салмоқли кисмими француз, рус, америка олимлари асарларининг романга

<sup>2</sup> شری فارسی در دوره آخر، نخستین کنگره نویسنده‌گان ایران + ۱۳۲۶ خلاری پرواز

<sup>3</sup> Изоҳ: Хонларий янги типдаги форсий романларни қуйидагича икки гурухга бўлади: 1) Танқидий, ахлоқий, ижтимоий романлар; 2) Тарихий романлар.

бағишланган тадқиқотларининг таржимаси эгаллайди. Булар орасида Бахтин, Мишел Бютор, Вильям Хазлит, Давид Херберт Лавренсларнинг назарий асарлари етакчилик килади. Фикримизнинг исботи сифатида, Мұхаммад Рафій Махмудённинг “Роман назарияси ва форсий роман хусусиятлари” асарини олсак. Асарнинг каттагина қисмини ғарб олимларининг роман назарияси хакидаги фикрлари эгаллайди.

Таникли адабиётшунос олим ва ёзувчи Жамол Мирсадиқийнинг “Қисса, кичик достон, роман”<sup>4</sup> асарида асосий зътибор “роман” термини, форс романларининг таснифига қаратилади. Зикр этилган асарида олим “роман” термини форс тилида “رمان”, “رومان”<sup>5</sup> داستان “داستان”, “رمان”<sup>6</sup> یازدان بلند”, “پراز”<sup>7</sup> каби терминлар билан эквивалент сифатида ишлатилишини таъкидлаб ўтади. “Роман”нинг таърифи сифатида эса Вильям Хазлит берган таърифни айнан көлтиради.

Гуломхусайн Дехбузургий “Эронда романчиллик” (Бошланишидан то ислом инқиlobи ғалабасига қадар)<sup>8</sup> мақоласида ҳам роман таснифига, типологиясига зътибор қаратиб, романларнинг маъно ва мундарижасига кўра *тарихий*, *ижтимоий*, *ишиқли*, *психологик*, *сиёсий* ва бошқа турлари борлигини, бирок бу тарзда чегараланиш нисбий эканлигини таъкидлаб ўтади. Бундай таснифлаш дастлаб машхур адабиётшунос олим Сирус Шамисо томонидан киритилган эди. Дехбузургий ҳам шу таснифлаш тамойилига амал килади. Муаллиф ушбу мақолада Ислом инқиlobи ғалабасигача бўлган даврда романчиллик тараккиётини батағсил баён этади ва уларнинг шакл, мазмун хусусиятларига танқидий ёндашади.

Эрон насрига бағишланган йирик фундаментал тадқиқот Ҳасан Миробидиний томонидан амалга оширилган. Олим ўзининг “Эрон насрининг юз асли”<sup>9</sup> номли 4 жилдан иборат фундаментал тадқиқотида Зайналобдин Мароғайининг “Иброҳимбекнинг саргузашти” номли биринчи публицистик романидан токи XX асрнинг охирги йиллари (80-90 йиллари) гача бўлган роман-навислар ижоди ҳақида муҳтасар маълумотлар беради, романларининг таҳдилиliga киришмайди, балки улар ҳақида қисқача тавсифий маълумотлар бериш билан чекланади.

میرصادفی جمال، فصله، داستان کوتاه رمان، آگاه، ۱۳۶۰،

غ.د.بزرگی، رمانیسی در / فصلنامه زکریا، مشماره بیست و ششم-بهار و تابستان، ۱۳۸۳،

ایران(از اینداتا پیروزی انقلاب اسلامی)

حسن میر عابدینی، صد سال داستان نویسی ایران، تهران، ۱۳۸۳

Форс насли бўйича маҳсус тадқикот олиб борган эрон олимларидан яна бири доктор Мансур Раствор Фасоий бўлиб, унинг “Форс насрининг турлари” монографиясида форс насли хусусиятлари, наслий асар турларининг таснифи борасида жиддий изланишлар амалга оширилади.

Форс романчилиги назарияси хусусида монографик тадқикотлардан бири Мухаммадизо Рузбекга тегишилди. Олимнинг “Хозирги замон эрон адабиёти” монографиясида “наср” истилохи, наслий асарларнинг таснифлаш принциплари, замонавий форс романининг хусусиятлари каби муҳим масалаларга ойдинлик киритишга интилиш кузатилади. Олим классик ва замонавий насрни таснифлашдаги фарқлар, бу икки даврдаги насрнинг ўзига хос хусусиятларини аниқлашда жуда катта аҳамиятга молик фикрларни баён килади.

Жаҳон шарқшунослари орасида замонавий форс насрига кизикиши XX асрнинг биринчи чорагида бошланган. Дастробки тадқиқотлар Эронда янги шаклдаги роман жанрининг пайдо бўлиши масалаларига бағишлиланган. Инглиз эроншунос олими Э.Г. Браун “Янги давр форс адабиёти тарихи” (1924) номли тўрт жилдли асарнинг 4-жилдидаги, француз эроншуноси Б. Никитинанинг (1933) изланишлари кўпроқ баён ва шарҳ характерида эди. Уларда Эрондаги XIX асрнинг охири – XX асрнинг бошларидаги адабий жараёнларнинг умумий белгилари ёритилиб, адиллар ва уларнинг асарлари ҳақида тўлиқ бўлмаган маълумотлар бериш билан чекланилган. Бу даврда яратилган ишларнинг асосий мақсади – кенг жамоатчиликни эрон адабиётининг ўша даврдаги холати билан таништириш бўлган.

Иккинчи гурух тадқиқотларда мавзунинг ўрганилиш доираси кенгаяди, яъни буларда Эронда роман жанрининг пайдо бўлиши омиллари, ижтимоий-сиёсий мухит таҳдил этилади ва илк романларнинг сложети билан таништириш тамоилии сезилади. Рус эроншунос олими К.Чайкин “Энг янги давр форс адабиётидан кискача очерк”<sup>7</sup> номли асарида 1926 йилгача бўлган эрон адабиётини “Қожорлар даври”, “Форснинг “Уйғониш даври”, “Инкилоб даври”, “XX асрнинг 20-йиллари” ва “Сўнгти давр (1921-1926 йиллар)” тарзида даврлаштиради ва бу даврлардаги адабий жароёнларни ёритишга ҳаракат қиласи.

<sup>7</sup> Чайкин К. Краткий очерк новейшей персидской литературы. – М., 1928.

“Сўнити давр (1921-1926 йиллар)” кисмидаги Мушифик Козимиининг рузгари “Техрон”, Аббос Халилийнинг “Кўркинчли Техрон”), Аббос Халилийнинг “Сиях” (“Кора кунлар”), “Антфам” (“Қасос”), Мирза Яхё Давлатободийнинг дамгасдан “Шахрноз”), Санъатизода Кермонийнинг “Шахрноз” (“Тузок кўювчилар ёки Маздак учун қасос олувчилар”)) номли тарихий романларининг кисқача мазмунини баён этади, бирор чуқур таҳлилига киришмайди.

Эрон романига бағишлиланган тадқиқотлардан яна бири Кристофф Болое<sup>8</sup> нинг докторлик иши асосида ёзилган “Форс романининг шаклланиши”<sup>9</sup> номли монографияси бўлиб, унда форс романининг шаклланишига турткি бўлган ички ва ташқи омиллар (матбуот ва нашриётнинг йўлга кўйилиши), (“امير ارسلان”, “Амир Арслон”) достони ҳакида, А. Толивовнинг маърифатчилик рухида ёзилган “كتاب احمد احمد” (“Аҳмаднинг китоби”) повести, Б.Хусраийнинг “شمس و طغرا” (“Шамс ва Тўғро”) тарихий романни, М.Козими, Мухаммад Ҳижозийнинг юкорида номлари зикр этилган романлари ҳакида фикр юритилади.

Адабий танқидчиликда форс тарихий романлари борасидаги изланишлар салмоқли ўринни эгаллайди. Жумладан, янги давр форс адабиётининг йирик тадқиқотчиларидан Е.Э. Бертельснинг “XX аср форс тарихий романни”<sup>10</sup> номли асарида Эрондаги илк тарихий асарларга тўхталиб ўтилади. Ишда 1920-1930 йиллар мобайнида чол этилган бешта тарихий роман, уларнинг кисқача сюжети баёни берилади. Е.Э. Бертельс форс тарихий романларининг шаклланишида муҳим рол йўнаган ички ва ташқи омиллар, хусусан, 1905-1911 йиллар Эрондаги буржуза инклиби, рус, инглиз капитали окимининг Эронга кириб келиши, кўплаб француз романларининг форсийга ўгирилиши ва бунинг сабаблари ҳакидаги фикр-мулоҳазаларини билдиради. Олим бу даврдаги роман-

<sup>8</sup> Кристофф Болое-Париждаги INALCO профессори, Эрон адабиёти ва нарратология бўйича мутахассис, таржимон, форс насрчилигига оид 30 га яхон аср музалифи. «La genèse du roman persan moderne» (1998 й.) номли монографияси унинг Эрон романичиги бўйича ёзган докторлик ишининг версияси. Ушбу монография 1998 йилда 2 марта француз тилида, бир марта форсага ўтирилган холда Техронда нашр этилди. Осиёни ўрганиши Француз марказида Ушбу монографиянинг ҳар иккни тиллага нусхаси сакланмоқда.

<sup>9</sup> بلاى كريستف، پيدايش رامن فارسى، ۱۳۷۷

<sup>10</sup> Бертельс Е.Э. Персидский исторический роман XX в. В книге: Избранные труды. История литературы и культуры Ирана. – М., 1988.

ларни бадиий таҳлил қилиш «максадга мувофиқ эмас, зеро уларнинг бадиий ва ижтимоий қиммати у қадар катта эмас», дея хулоса чикаради. Олим форс романининг шаклланишида Европа адабиётидан бўлган таъсир масаласини эътироф этгани ҳолда форс насрининг шаклланишига самарали асос бўлган эронликларнинг бой халқ оғзаки ижоди, кадимги адабий анъана ва бой адабий меросини назардан четда қолдиради. Бироқ бир қатор олимлар форс тарихий романларининг миллий илдизларига, бадииятига алоҳида ургу берадилар. Масалан, шарқшунос олим Ю.Н. Марр Мухаммад Бокер Хусравийнинг “Шамс ва Тўғро” тарихий романни таҳлилини амалга оширади ва “ўқилиши осон”, баённинг “ҳаққонийлиги”, “ёркин техникиаси”, “оддий ва ифодали тили” билан ажаралиб туради, деб баҳолайди<sup>11</sup>.

Польшалик тадқиқотчи Ф. Махальскийнинг бу борадаги изланишлари ҳам дикқатга сазовор. Унинг “XX аср форс тарихий романи”<sup>12</sup> номли китобида ўттизга яқин тарихий роман таҳлил этилади. Китобда тарихий романларнинг тили ва услуби каби масалаларга тўхталади.

Х.Г. Корогли “Замонавий форс адабиёти”<sup>13</sup> номли китобида Санъатизода Кермонийнинг тарихий романлари таҳлилига тўхталаб, Эронда тарихий роман ривожланиши илдизларини фақат Farbga таклид деб бирёзлама баҳолаш эмас, унинг чукур адабий анъаналарга, хусусан мумтоз ҳикоянавислик ва қиссачилик анъаналарига бориб тақалишини таъкидлайди.

Тарихий романларга бағишиланган тадқиқотлардан яна бири Г. Қодировнинг “Замонавий форс тарихий романи”<sup>14</sup> номли монографиясидир. Тадқиқотчи форс тарихий романларининг келиб чиқиши омиллари ва таракқиёти, уларнинг таснифи, асосий тамоилиллари ҳакида қимматли фикр ва мулоҳазалар билдиради ва уларни илмий далиллайди. Шунингдек, нафақат Эронда, балки хорижда ҳам катта кизикиш уйғотган тарихий асарлар, хусусан, Зайнал-Обидин Рахнамо ва унинг “پیامبر” (“Пайғамбар”), “زندگانی” (“Имом Ҳусайн”) ҳамда Зайнал-Обидин Мӯъ-

<sup>11</sup> Марр Ю.Н. О романе Хосрови «Шамс и Тогра»// Труды Тбилисского государственного университета. – Тбилиси, 1964.

<sup>12</sup> Махальский Ф. Персидский исторический роман XX в. // Зарубежное востоковедение; Сб. –М., 1961.

<sup>13</sup> Х.Г. Корогли Х.Г. Современная персидская литература. – М., 1965.

<sup>14</sup> Қадиров Г. Современный персидский исторический роман. – Душанбе, 1982.

таманнинг “اشيانه عقاب” (“Бургут уяси”), Санъатизода Керманийнинг “نادر فاتح دهلى” (“Нодир – Дехли фотихи”) романларининг бадий таҳлилини амалга оширди.

Д.С. Комиссаровнинг илмий изланишлари Эрон насрчилиги, романчиликка бағишлиданади. Айниқса, олимнинг Содик Ҳидоят прозасига бағишлиган ишлари диккатта сазавордир<sup>15</sup>. Ўз очеркларида олим форс романнинг мухим жиҳатларига бағишлиган алоҳида қисмлар киритган<sup>16</sup>. Унинг 60-йилларда насрчилик соҳасида амалга оширган бир катор изланишларида форс романни ва повестларида реалистик тамойилларнинг кучайиши масаласи ёритилади. Жумладан, И.Брагинский билан ҳаммуалифликда тайёрлаган “Форс адабиёти”<sup>17</sup> номли монографиясида эрон романчилигининг дастробки босқичида яратилган ижтимоий романлар (“Ишчининг қора куни”, “Интиқом”, “Инсон”, “Шахрноз”)ларда кўтарилиган муаммоларга, хусусан, аёллар масаласига маҳсус тўхталади.

Эронда роман жанри тараккиётiga эътибор қаратган олималардан бири тоҷикистонлик олима Дилафуз Икромийдир. Унинг “Замонавий форс ижтимоий романни” (1972) номли номзодлик диссертациясининг I-бобида Эронда ижтимоий романнининг шаклланиш жараёни, илк ижтимоий романлар “Кўркинчли Техрон” (М.Козими), “Қора кунлар”, “Инсон”, “Интиқом” (Аббос Халилий), “Хумо”, “Паричехр”, “Зебо” (Муҳаммад Ҳижозий), “Оҳ менинг орзуласим ёки Паричехр”, “Ишқ ва кўз ёшлари”, “Фохиша”, “Ёлғон”, “Етим киз” (Жавод Фозил) ва, хусусан, Аҳмад Ҳудододнинг “Ишчининг оғир қисмати” романнida кўтарилиган майший ва ижтимоий муаммоларга тўхталган бўлса, II-бобда Сайд Нафисий (“Жаннатнинг ярим йўлида”, 1951-1953), Бузург Алавий (“Унинг кўзлари”, 1952) ва Муҳаммад Афғоний (“Оҳу хонимнинг эри”, 1961) романларида кўтарилиган ижтимоий масалалар таҳдил этилган.

Д.Икромий минг йиллик тарихга эга бўлган форс адабиёти учун роман жанри “янгилик” эди деб хисобловчи олимлар (маслан, И.С.Брагинский, Д.Комиссаров)нинг фикрига мутлақо қўшил-

<sup>15</sup> Комиссаров Д. Очерки современной персидской прозы. -М., 1960; Комиссаров Д. Садек Хедаят. Жизнь и творчество. -М., 1967; Комиссаров Д. Пути развития новой и новейшей персидской литературы. -М., 1982.

<sup>16</sup> Комиссаров Д. Новые черты персидского романа и повести 60-х годов // В книге: Пути развития новой и новейшей персидской литературы. -М., 1982.

<sup>17</sup> Брагинский И, Комиссаров Д. Персидская литература. -М., 1961.

майди, аксинча, Эронда роман ўзига хос шаклда мавжуд бўлганлигини эътироф этади. У романнинг жанр сифатида мавжудлиги масаласига эмас, балки унинг замонавий шаклга эга бўлишига турткы бўлган омилларни ўрганиш масаласига эътибор каратиш зарурлигини таъкидлайди. Жумладан, олима Д.Икромий Эронда роман жанрининг тараққиётида ва янги шаклга эга бўлишида таржима адабиёти ва матбуотнинг ўрнига ҳам алоҳида ургу беради. Чунки аксарият ёзувчилар газета ва журнал муҳаррири сифатида ҳам фаолият олиб борганлиги, ёзувчиларнинг матбуот билан якиндан алоқада бўлганлиги, матбуотнинг жадал суръатда ривожланганлиги янги шаклдаги роман тараққиётига ҳам жиддий таъсир кўрсатганлигини эътироф этади<sup>18</sup>.

Д.Икромий Эронда матбуот ҳамда таржима адабиётдан кейин тарихий прозанинг кенг тараққиётнинг ўрнига ҳам алоҳида ургу беради, жумладан, тарихий романнинг тараққиётида араб тарихий романлари, француз ва инглиз адабиётининг кучли таъсирини таъкидлайди<sup>19</sup>.

Тадқиқотлар орасида алоҳида олинган ёзувчилар ижоди, эрон ёзувчиларнинг ижодий методига бағищланган маҳсус илмий тадқиқотлар ҳам мавжуд. Масалан, грузиялик шарқшунос Л.Г. Гиунашвилининг бир қатор тадқиқотлари Эрон насли, хусусан, Саид Нафисий ижодига бағищланган<sup>20</sup>. Муаллифнинг “Саид Нафисийнинг бадиий насли” монографиясида машҳур ёзувчи ва давлат арбоби, таникли адабиётшунос олим, таржимон Саид Нафисийнинг (“فرنگیس”, “Фарангис”), “نیم راہ بهشت” (“Жаннатнинг ярим йўлида”), “آتش های نهفته” (“Яширинган оловлар”) каби романлари, улардаги образлар тизими, ёзувчининг бадиий маҳоратига оид фикрлар берилган. Таъкидлаш жоизки, ушбу монографияда Саид Нафисийнинг юқорида зикр этилган учта романнинг поэтикаси атрофлича тадқиқ

<sup>18</sup> Икрами Д. Проблемы перевода русской литературы в Иране. –Душанбе: «Дониши», 1988. –С.44.

<sup>19</sup> Ўша асар, 48-б.

<sup>20</sup> Л.С. Гиунашвили. Крестьянский вопрос в современной персидской прозе. –Тбилиси: «МЕЦНИЕРЕБА», 1977; Л.С. Гиунашвили. С.Нафиси – романист. В книге: Художественная проза Саида Нафиси. –Тбилиси: «МЕЦНИЕРЕБА», 1966. –С.64-189; Саид Нафиси, ТГГУ, т. 91, 1960; «На полпути в рай». –Душанбе: Гулистон №2, 1962; Саид Нафиси за романы «Нимарохи бихишт», Шарки сурх, №6, –Душанбе, 1962; Художественная проза С.Нафиси (1916-1953 гг.) Дис.на сонск. кан.фил.наук, ТГУ, 1963; Творческий путь Саида Нафиси. – Тбилиси: «МЕЦНИЕРЕБА», 1976; Проблемы становления и развития реализма в современной персидской прозе. –Тбилиси: «МЕЦНИЕРЕБА», 1985.

этилган. Гиунашвилиниң тадқиқотларида ижодий метод масаласига ҳам алохидә эътибор берилади.

Форс замонавий насрига оид бир катор изланишлар россиялик олим Жаҳонгир Дўррий<sup>21</sup> га тегишилдири. Олимниң тадқиқотларида форс романларида анъана ва новаторлик, фольклор элементлари, хусусан, ҳажвий ҳалқ асарларининг таъсири каби масалалар Содик Чубакнинг «Сабр тоши» романни таҳдили мисолида талқин этилган. Шунингдек, инглиз ёзувчisi Жеймс Мориер қаламига мансуб “Ҳожибобо Исфаҳонийининг саргузаштлари” сатирик романни ҳақида маълумот берилган<sup>22</sup>. Тадқиқотчининг 80-йиллар Эрон романчилиги хусусида билдирган фикр ва мулоҳазалари ҳам ўзининг долзарблиги, янгилиги билан диққатимизни торгади. Булар орқали 80-йилларнинг машҳур романистлари: Хусрав Насимий (“Кир ёқали одамлар”, 1982), Аҳмад Махмуд (“Қўшнилар”, “Бир шаҳар тарихи”, 1981) асарлари ҳақида, 1979 йилги Эрон инқилоби, унинг ижтимоий ҳаёт ва адабий жараёнларга кўрсатган таъсири, бу давр романчилигидаги асосий тамоийиллар, гоявий йўналишлар, Эрон насрчилигининг ютуқ ва камчиликлари ҳақида умумий тасаввур ҳосил қилиш мумкин.

Жаҳонгир Доррийнинг тадқиқотлари шуниси билан эътиборга моликки, олим инқилобдан кейинги даврда яратилган насррий асарларни ҳам таҳдилга торған. Доррий ўзининг “Эрон бадиий насрининг пайдо бўлиши ва тараққиёти: жанр ва услуб хусусиятлари”<sup>23</sup> номли докторлик ишида 80-90 йилларгача бўлган даврдаги адабий жараёнлар, Эронда наср тараққиётининг асосий тамоийиллари, бу даврда ривожланган адабий оқим ва йўналишлар, ёзувчиларнинг методи масаласи каби долзарб мавзуларни ёритиб берган. Доррийнинг докторлик ишида олимниң 45 йиллик илмий тадқиқотлари сархисоби килинган. Бироқ таъкидлаш жоизки, мазкур монографик тадқиқотда форс романчилигига атрофлича тўхталиниб, форсий

<sup>21</sup> Жаҳонгир Дорри – адабиётшунос олим, филология фанлари доктори, таржимон. «Персидская сатирическая поэзия» (1965), «Персидская сатирическая проза» (1977), «Мохаммад Али Жамаль-заде» (1983) китобларининг муаллифи, иккى томли «Персидско-русский словарь» (3- изд-е, 1985) лугатининг тузувчиларидан бири, мумтоз ва замонавий форс адабиёти хусусидаги бир катор маколалар муаллифи.

<sup>22</sup> Дорри Дж. Традиционные приемы в творчестве современных иранских сатириков. // В книге: Художественные традиции литературы Востока и современность: Традиционализм на современном этапе. –М.: «Наука», 1980. –С.216-232.

<sup>23</sup> Дорри Дж. Становление и развитие современной персидской художественной прозы Ирана, её жанровые и стилистические особенности. Дис.на соис. док.филол.н. –М., 2000.

роман техникаси, бадниятининг чукур таҳлилига киришилмайди; умуман наср тараққиёти кенг планда қамраб олиниб форсий роман хусусиятларига оид умумий фикрлар берилиши билан чегараланди.

Тадқиқотчи олим Файз Наджмоновнинг “Замонавий форс адабиётида ижобий қаҳрамон” номли монографиясида ҳам XIX асрнинг охири XX асрнинг бошларида эрон насли ва шеъриятида ижобий қаҳрамон образининг пайдо бўлиши шу давр адабиётиниң энг муҳим хусусиятларидан бирни эканлиги зътироф этилади. Муаллиф бу жараёнга турткы бўлган омиллар сифатида рус ва азербайжан маърифатчиларининг ғоялари ва Эрондаги 1905-1911 йилги инқилоб ҳамда 1918-1922 йилги миллий-озодлик ҳаракатларини алоҳида тарькидлайди. Монографияда ўша даврда яратилган энг машҳур қисса, хикоя, шеърлар билан бир каторда Зайналобиддин Марогаййнинг “Иброхимбекнинг саргузаштлари”, Мушфик Козимиининг “Кўркинчли Техрон” ҳамда 1940-1960 йилларда яратилган энг сара асарлар каторида Бўзург Алавийнинг “Унинг кўзлари” романлари ҳам таҳдил объекти сифатида танланган. Муаллиф бу даврда яратилган асарларда илк бор задогон оиласига мансуб бўлса-да, оддий ҳалиқа хайрҳоҳ бўлган зиёли инсон образи, шунингдек, эрон адабиётида мавжуд урф-одатларга қарши норозилик тўйғуларини намоён этган аёл образи яратила бошланганини тўғри тарькидлайди. Бироқ бу монографияда ўринни кўпроқ романларнинг мазмуни баёни, қаҳрамонларнинг характеристикасини бериш эгаллайди, ёзувчининг ижобий қаҳрамон образини яратишдаги бадний маҳорати масаласи эса назардан четда колади.

Наср, хусусан роман тадқиқотига бағишлиланган маҳсус илмий ишлар, монографиялар, алоҳида романларнинг сўзбошисида чоп этилган фикр-мулоҳазалар, илмий конференцияларда килинган маърузалар<sup>24</sup> ва илмий тўплам ва журналларда келтирилган маколалаларнинг<sup>25</sup> барчасида 1920-1980 йиллар оралиғида ёзилган романларнинг маълум бир кирраси очиб берилган. Бу тадқиқотларда асосан, З. Марогай, З. Раҳнамо, С. Кермоний, М. Козими, А. Халилий, М. Ҳижозий, А. Афғоний, Ж. Фозил, С.Нафисий,

<sup>24</sup> Махалський Ф., Комиссаров Д.С. О некоторых особенностях развития основных жанров современной персидской литературы (доклад на XX Международном конгрессе Востоковедов в Москве в 1960 г.). – М., 1960.

<sup>25</sup> Е.Э. Бертельс. Персидский исторический роман XX в. В кн. «Проблемы литературы Востока», вып. 1. –Л., 1932; А.З. Розенфельд. О художественный прозе в персидской литературе XX в./ «Вестник Ленинградского Университета», №5. 1949.

Б. Алавий, А.Хўдодод каби ёзувчиларнинг романларига кайта-кайта мурожаат этилган ва бу романларнинг турли томонлари мазмуний ва ғоявий жиҳатлари тадқиқ этилган.

Олиб борилган тадқиқотларнинг аксариятида замонавий Эрон адабиётида роман жанрининг шаклланиши, бу жараёнда муҳим роль ўйнаган ички ва ташки омиллар: а) 1905-1911 йилги Эрон инқилоби; б) Эронда янги, Европа типидаги Дорилфунуннинг очилиши; в) матбуотнинг тарақкий этиши; г) таржима асарларининг пайдо бўлиши; д) маърифатчилик фаолиятининг кенг тарқалиши (Мирзо Малкумхон, Абдураҳим Толибов, Зайнал-Обидин Марғаний фаолияти) ва буларга параллел равишда форс адабиётининг бой қадимий меросга ва насрчилик, хусусан, хикоя-навислик анъаналарига эга эканлиги таъкидланади.

Тадқиқотларда, Эрон романлари кўпроқ ғоявий аспектда ўрганилиб, унинг поэтик хусусиятлари назардан четда қолган.

Бугунги кунга келиб бадиий асарларни санъат ҳодисаси сифатида илмий-эстетик таҳлил килиш зарурати сезилади. XX аср форс романларининг жанр хусусиятлари, поэтикаси, асосий таъмиллари масаласи эроншуносларимиз олдида турган долзарб ва ечимини кутаётган муаммоларданdir.

Иккинчидан, форс романининг ўзига хос хусусиятларини, шаклланиш боскичлари ва ёзувчилар ижодини ўрганиш ва таҳлил этиш бугунги адабиётшунослик олдида турган долзарб муаммолардан саналиб, ўзбек олимлари мазкур муаммога мутаносиб равишда етарли даражада кизиқиш билдиришганича йўк.

Шу нуқтаи назардан, романчилик борасида Эроннинг ўзида, Россия олимлари ҳамда бошқа хорижий элларда яратилган китоб, таҳлил ва монографияларнинг кўплигига қарамай, ҳозиргача форс романни борасида Ўзбекистонда яратилган ҳар томонлама тадқиқот мавжуд эмас, иккинчидан, мавжудлари ҳам романга нисбатан комплекс равишда муносабат билдиrmай, балки романнинг у ёки бу хусусиятларини ойдинлаштиришга қаратилган холос. Шу нуқтаи назардан ҳам форс романининг илмий таҳлил қилиниши бугунги куннинг ўз монументал ечимини кутаётган муаммоларидан бири хисобланади.

Мазкур монографик тадқиқотда замонавий Эрон романчилигининг келиб чиқиш омиллари, унинг такомил боскичлари, бугунги кундаги ҳолатини илмий-назарий таҳлил килишга киришар эканмиз, бадиий адабиётнинг бош вазифаларидан бири бадиий адабиёт ри-

вожидаги турлі босқичларни таҳлил қилиш ва адабий жараёнга баҳо берішдан иборат эканлығидан келиб чиқамиз. Шу нүктән назардан, бугунғы күнде Эрон адабиёттінинг пешқадам жәнри бўлган романчилик тарихи ва бу соҳада қалам тебраттан ёзувчилар ижодини адабий-бадиий таҳлил этишга ҳаракат қилинади.

## МУНДАРИЖА

Муқаддима.....	3
<b>I БОБ.</b> Янги типдаги форс романи шаклланишининг асосий омиллари	
Форс романининг умумбашарий ва миллий манбалари.....	18
Маърифат аспи адабиёти эстетикаси .....	33
<b>II БОБ.</b> Замонавий форс романининг тадрижий такомили: жанр динамикаси, проблематика ва ижодий метод масаласи	
Реализм тамойилларининг қарор топиши .....	54
Модернистик роман тажрибалари .....	74
Сатира ривожи.....	92
<b>III БОБ. XX асрнинг сўнгги чорагида форс романи тараққиёти</b>	
Маънавий қадриятларни исломлаштириш тамойили.....	101
Янгилangan реализм эстетикаси.....	106
Хулоса.....	150
Фойдаланилган адабиётлар .....	153

ГУПЗРБД ЗОИ МИА қасимий

ШУ-02 ж.ғ. №0001. Ат тизориёт ЖУМ "Ўзбекистон-Энгур"

Е.14. т.б. йигитда ўзбек тилинди 110501.05 нисада тақоюн ишлансад  
жана 021 ишлак 01 т.б. қади. Ишларнича сонгт - 88-й. йигит, ми

залик пош шиклочалимиз ЖУМ бузиду орбай сайди  
шурхада калуб калубд, ш тизориёт 021.05